

四庫全書

集部

欽定四庫全書

集部

御定全唐詩卷八百二十一

詳校官庶吉士_臣何道沖

主事銜_臣徐以坤覆勘

總校官知縣_臣繆琪

校對官學正_臣李巖

謄錄監生_臣于時和

欽定四庫全書

御定全唐詩卷八百二十

皎然

從軍行五首

候

一作雙

騎出紛紛元戎霍冠軍漢鞞秋聒地羌火晝燒

雲萬里戈

一作戎

城合三邊羽檄分烏孫驅未

一作不

盡宵

顧遼陽勲

漢旆拂丹霄漢軍新破遼紅塵驅鹵簿白羽擁嫖姚戰

苦軍猶樂功高將不驕至今丁零塞朔吹空蕭蕭

百萬逐呼韓頻年不解鞍兵屯絕漠暗馬飲濁河乾破
敵功未錄勞師力已殫須防肘腋下飛禍出無端

飛將下天來奇謀閫外裁水心龍劍動地肺鴈山開望
氣燕師銳當鋒敵陣摧從今射鵬騎不敢過雲堆

黃紙君王詔青泥校尉書誓師張虎落選將擐犀渠霧

暗津蒲

一作浦

失天寒塞柳疎橫行十萬騎欲掃敵烽餘

隴頭水二首

隴頭

一作西

水

一作心

欲絕隴水不堪聞
碎影搖槍壘寒聲

咽慢軍素從鹽海積
綠帶柳城分
日落天邊望逶迤入

塞雲

秦隴逼氐羌
征人去未央
如何幽咽水併欲斷君腸
西

注悲窮漠東分憶故鄉
旅魂聲攪亂無夢到咸陽

一作遼陽

塞下曲二首

寒塞無因見落梅
遼人吹入笛聲來
勞勞亭上春應度

夜夜城南戰未迴

都護今年破武威風沙萬里鳥空飛旄竿瀚海掃雲出
羶騎天山蹋雪歸

覽史

黃綺皆皓髮秦時隱商山嘉謀匡帝道高步遊天關不
愛珪組紕却思林壑還放歌長松下日與孤雲閑

咏史

獨負高世資冥冥寄浮俗卞子去不歸何人辯荆玉
春意不淺汚迹身豈辱鸞鍛樂速遭虬蟠甘窘束五噫

謫且正可以見心曲

咏史

田氏門下客馮公衆中賤一朝市義還百代名獨擅始
知下客不可輕能使主人功業成借問高車與珠履何
知卑賤一書生

讀張曲江集

相公乃天蓋

一作啟

人文佐生成立程正顏靡繹思何縱

橫春杼弄絃綺陽林敷玉英飄然飛動姿邈矣簡高情

後輩驚失步前修敢爭衡始欣耳目遠再使機慮清體
正力已全理精識何妙昔年歌陽春徒推郢中調今朝
聽鸞鳳豈獨美一作燕門嘯帝命鎮雄州待濟寄上流才
兼荆衡秀氣助瀟湘秋逸蕩子山匹經竒文暢儔沈吟
未終卷變態紛難數曜耳代明璫襲衣同芳杜惜惜聞
玉磬寤寐在靈府

奉酬陸使君見過各賦院中一物得江蘿

江蘿生古砌花每落禪床嘉客未採掇空門自馨香名

因詩目見色對道心忘不遇陸內史誰知殊衆芳

賦得謝墅送王長史

其墅即畫七代祖吳興守舊居

世業西山

一作西州

墅移家長我身蕭疎遺樹老寂寞廢田

春車巷傷前轍籬溝憶舊隣何堪再過日

一作此

更送北

歸人

夏日同崔使君論登城樓賦得遠山

遠山湖上小青翠望依稀纔向窗中列還從林表微色
濃春草在峰起夏雲歸不是蓬萊島如何人去稀

咏數探得七

鄒子談天歲黃童對日年求真初作傳鍊魄已成仙鶴
駕迎緱嶺星橋下蜀川逢君竹林客相對弄清絃

奉同顏使君真卿送李侍御萼賦得荻塘路

落日車遥遥客心在歸路細草暗回塘春泉縈古渡遺
蹤嘆蕪沒遠道悲去住寂寞荻花空行人別無數

賦顏氏古今一事得晉仙傳送顏逸

梁湘東王國常侍顏

協著晉仙傳五篇

曾看顏氏傳多記晉時仙却憶桐君老俱還桂父年青
春留鬢髮白日向雲煙遠別賫遺簡囊中有幾篇

賦得石梁泉送崔達

架石通霞壁懸崖散碧沙天晴虹影渡風細練文斜舉
一作攀陟幽期阻沿洄客意賒河梁非此路別恨亦無涯

賦得夜雨滴空堦送陸羽歸龍山

同字

閑堦夜雨滴偏入別情中斷續清猿應淋漓候館空氣
令煩慮散時與早秋同歸客龍山道東來雜好風

賦得燈心送李侍御萼

光字

燈心生衆草因有始知芳綵妓窓偏麗金桃動更香花
驚春未盡焰喜夜初長別後空離室何人借末光

賦得竹如意送詳師赴講

青字

縹竹湘南美吾師尚毀形仍留負霜節不變在林青每
入楊枝手因談貝葉經誰期沃州講持此別東亭

聽素法師講法華經

法子出西秦名齊漆

一作七

道人纔敷藥草義便見雪山

春護法龍來遠聞經鶴下頻應機如一雨誰不滌心塵

咏敷上人座右畫松

寫得長松意千尋數尺中翠陰疑背日寒色欲生風
眞樹孤標在高人立操同一枝還可折吾欲問生公

夏日

一作微雨

登觀農樓和崔使君

片雨拂簷楹煩襟四坐清霏微過麥隴蕭散

一作瑟

傍莎

城靜愛和花落幽聞入竹聲朝觀趣無限高詠寄深

一作

閑情

妙喜寺達公院賦得夜磬送呂評事

一磬寒山至凝心轉清越細和虛籟盡疎繞懸

一作寒

泉

發在夜吟更長停空韻難絕幽僧悟深定歸客忘遠別
寂歷無性中真聲何起滅

咏小瀑布

瀑布小更奇潺湲二三尺細脉穿亂沙叢聲咽危石初
因智者賞果會幽人跡不向定中聞那知我心寂

仙女臺

得仙字

寂寂

一作
寞

舊桑田

一作
朱田

誰家

一作
何時

女得仙應無雞犬在

空有子孫傳古木花猶發荒臺路未遷

一作月
尚懸

暮來雲

一片

一作片雲
低不散

疑是欲

一作
却

歸年

靈澈上人何山寺七賢石詩

七石配七賢隱僧山上移石性殊磊落君子又高竒
跂禪服宜壞坐客冠可隳夜倚月樹影晝傾風竹枝集
質患追琢表頑用磷緇佚火王亦害塊然長在茲

潘丞孩子

愛子性情奇初生玉樹枝人曾天上見名向月中知我
識嬰兒意何須待佩觿

南池雜咏五首

并序

余草堂在池上洲昔柳吳興詩汀洲採白蘋即此
地也左右雲山滿目一坐遂有終焉之志會廣德
中寇盜淮海騷動宵人肆志吾屬不安因賦南池
五咏以自適

水月

夜夜池上觀禪身坐月邊虛無色可取皎潔意難傳若
向空心了長如影正圓

溪雲

舒卷意何窮縈流復帶空有形不累物無跡去隨風莫
怪長相逐飄然與我同

虛舟

虛舟動又靜忽似去逢時觸物知無迂為梁幸見遺因
風到此岸非有濟川期

寒山

侵空掩亂色獨愛我中峰無事負輕策閑行躡幽踪衆
山搖落盡寒翠更重重

寒竹

裊裊孤生竹獨立山中雪蒼翠搖動

一作勁

風嫋娟帶寒

月狂花不相似還共凌冬發

望遠村

林杪不可分水步遙難辨一片山翠邊依稀見村遠

惜暮景

疎陰花不

一作下

動片景松梢度夏日舊來長佳遊何易

暮

效古

天寶十四年

日出天地正煌煌闕晨曦六龍驅羣動古今無盡時夸

父亦何愚競走先自疲飲乾咸池水折盡扶

一作長

桑枝

暍死化燭火嗟嗟徒爾為空留鄧林在折盡

一作摧折

令人

唾

古別離

代人答
閻士和

太湖三山口吳王在時道寂寞千載心無人見春草誰

識

一作
堪

絨怨者持此傷懷抱孤舟畏狂風一點宿煙島

望所思兮若何月蕩漾兮空波雲離離兮北斷鴻

一作
雁

眇眇兮南多身去兮天畔心折兮湖岸春風胡為兮塞
路使我歸夢兮撩亂

擬長安春詞

春信在河源春風蕩妾魂春歌雜鷓鴣春夢繞轆轤春

絮愁偏滿春思悶更繁春期不可定春曲嬾新翻

效古

思君轉戰度交河強弄胡琴不成曲
日落應愁隴底難
春來定夢江南數萬丈游絲是妾心
惹蝶縈花亂相續

昭君怨

自倚嬋娟望主恩誰知美惡忽相翻
黃金不買漢宮貌

青塚空埋異

一作秦

地魂

銅雀妓

強開尊酒向陵看憶得君王舊日懽不覺餘歌悲自斷
非關艷曲轉聲難

長門怨

春風日日閉長門搖蕩春心似

一作自

夢魂誰

一作若

遣花

開只笑妾不如桃李正

一作自無言

哭吳縣房聳明府

仁人邁厚德可謂名實全撫迹若疎曠會心極精研履

危節詎屈

廣德初江南寇盜充斥賊通名宰長城縣屢至害而竟不就

著論識不偏

公著道性
論一篇

恨以榮級淺嘉猷未及宣伊人期遠大志業

難比肩昭世既合并吾君藉陶甄奈何明明理與善徒

空詮徵教或稽聖窮源反問天一官自吳邑六翮委江

壖始是牽絲日翻成撒瑟年金膏果不就

房公昔日就
沈道士學長

生之術畫以
佛理難之

玉佩長此捐倚伏信冥昧天修驚後先安

知忘情子愛網素已褰為有深仁感遂令真性遷心悲

空林下淚灑秋景前夫子寡兄弟撫孤傷藐然傾雲為

慘結弔鶴共聯翩割念命歸駕訣辭向空筵樹桃陰始

合愛客位常懸幡然

一作恍若

遠行時崇望歸朝旋悟茲懽

晏隔哀被

一作彼

歲月延書帶變芳草履痕移綠錢冥期

儻可逢生盡會無緣

王坦之與生法師為冥期前死者歸報其罪福

因願示因

業代君運精專

沈約死後冥中見十一作因師云師急為我造經捨一作我苦難

相思轉

寂寞獨徃西林泉欲見故人心時閱所贈篇素高陶靖節今重楚先賢芳躅將遺愛可為終古傳

哭覺上人

時絆剡中

憶君南適越不作買山期昨得耶溪信翻為逝水悲神

交如可見生盡杳難思
白日東林下空懷步影時

題餘不溪廢寺

武源離亂後

一作武陵
惟亂後

真界積塵埃殘月生秋水悲風

起故臺居人今已盡樓鴿冥還來不到無生理應堪賦

七哀

與宿吳匡山
破寺詩畧同

同李洗馬入餘不溪經辛將軍故城

慘慘寒城望將軍下世時高墉暮草遍大樹野風悲壁

壘今惟

一作猶

在勲庸近可思蒼然古溪上川逝共悽其

憶天台

箬溪朝雨散雲色似天台應是東風便吹從海上來靈
山遊汗漫仙石過莓苔誤到人間世經年不早迴

萬回寺

萬里稱逆化愚蠢性亦全紫綬拖身上妖姬安膝前一作
邊見他拘坐寂故我是眠禪吾知至人心杳若青冥天

禪詩

萬法出無門紛紛使智昏徒稱誰氏子獨立天地元實

際且何有物先安可存須知不動念照出萬重源

哀教

本師不得已強為我著書知盡百慮遣名存萬象拘如
何工言子終日論虛無伊人獨冥冥時人以為愚

聞鐘

古寺寒山上遠鐘揚好風聲餘月樹動響盡霜天空永
夜一禪子泠然心境中

溪上月

秋水月娟娟初生色界天
蟾光散浦淑素影動淪連
何事無心見虧盈向夜禪

山雪

夕陽在西峰疊翠榮殘雪
狂風卷絮迴驚猿攀玉折
何意山中人誤報山花發

江上風

江風西復東飄暴復何窮
初生虛無際稍起蕩漾中
應吹夏口檣竿折定覺湓城浪花咽
今朝莫怪沙岸明

一作

崩
昨夜聲狂卷成雪

山雨

一片雨山半晴長風吹落西山上滿樹蕭蕭心耳清雲
鶴驚亂下水香凝不然風迴雨定芭蕉濕一點時時入
書禪

問遙山禪老

天與松子壽獨飲日月精復令顏子賢胡為夭其生吾
將尋河源上天問天何不平吾將詰仙老大道無私誰

強名仙老難逢天不近世人何人解應盡明朝欲向翅
頭山問取禪公此義還

禪思

真我性無主誰為塵識昏奈何求其本若拔大木根妄
以一念動勢若千波翻傷哉子桑扈蟲臂徒虛言神威
興外論宗邪生異源空何妨色在妙豈廢身存寂滅本
非寂誼譁曾未誼嗟嗟世上禪不共智者論

支公詩

支公養馬復養鶴率性無機多脫畧天生支公與凡異
凡情不到支公地得道由來天上仙為僧却下人間寺
一作世道家諸子論自然此公唯許逍遙篇山陰詩友喧
四座佳句縱橫不廢禪

述夢

夢中歸見西陵雪渺渺茫茫行路絕覺來還到剡東峰
鄉心繚繞愁夜鐘寺北禪岡猶記得夢歸長見山重重

赤松

一作赤松澗

緣

一作綠

岸蒙籠出見天晴沙瀝瀝

一作歷歷

水濺濺何處羽

人長洗藥殘花無數逐流泉

戲題松樹

為愛松聲聽不足每逢松樹遂忘還
翛然此外更何事笑向閒雲似我閒

戲題二首

看飲逢歌日屢曛我身何似繫浮雲
時人不解野僧意歸去溪頭作鳥羣

喧喧共在是非間終日誰知我自閑
偶客狂歌何所為
欲於人事強相關

雜寓興

嗟嗟號呶子世稱謫僊儔媚俗被鮫鮪欺天薦昬脩奔
景謂可致馳齡言易流燕昭昧往事嬴政亡前籌三山
果不見九僊忽悠悠君看牛山樂君見麋浦遊昨日千
金子聯綿成古邱吾將攬明月照爾生死流至樂享爰
居暫貽達者尤冥冥光塵內機喪成海漚

雜興六首

吾觀談天客工言喪其精萬物資廣庇此中何有情若
為昧顏跖修短怨太清高論讓鄒子放詞徵屈生請從
象外推至論尤明明

短齡役長世擾擾晤不早嬪女身後空歡娛夢中好從
教西陵樹千載傷懷抱鶴駕何冥冥鰲洲去浩浩柔顏
感三花凋發悲蔓草月中伐桂人是誰翻使年年不哀
老

誰高齊公子泣聽雍門琴死且何足傷殊非達人心
獨高庭中鶴意遠貴氛埃有時青冥遊顧我還下來
白雲琅玕色一片生虛無此物若無心若何卷還舒
疎散遂吾性栖山更無機寥寥高松下獨有閑雲歸精
意不可道冥然還掩扉

偶然五首

樂禪心似蕩吾道不相妨獨悟歌還笑誰言老更狂

偶然

一作世

寂無喧吾了

一作心

心了

一作性

源可嫌蟲食木

不笑鳥能言

隱心不隱跡却欲住人寰
欠樹移春樹無山看畫山
居喧我未錯真意在其間

綺語嫌不學梵音從不翻
說禪顛倒是樂殺金王孫

真隱須無矯

一作不須矯

忘名要似愚只將兩條事
空却漢

潛夫

問天

天公

一作翁

何時有談者皆不經誰道
賢人死今為傳說

星

寓言

吾道本無我未曾嫌世人如今到城市彌覺此心真

前溪作

春歌已寂寂古水自涓涓徒誤時人輩傷心作逝川

戲作

乞我百萬金封我異姓王不如獨悟時大笑放清狂

浮雲三章

浮雲刺讒也蓋取夫盛明之時為浮雲所蒙非不明也小人比於君側讒言熒惑亦如浮雲之害明予覽古史極觀君臣之際敗亡之兆生於讒慝遂作是詩

浮雲浮雲集於扶桑扶桑茫茫日暮之光匪日之暮浮雲之汙嗟我懷人憂心如蠹

浮雲浮雲集於咸池咸池微微日是之時匪日之是浮雲之惑嗟我懷人憂心如織

浮雲浮雲集於高春高春濛濛日夕之容匪日之夕浮
雲之積嗟我懷人憂心如愁

寓言

人生百年我過半天生才定不可換東海釣鰲鰲不食
南山坐石石欲爛

若邪春興

春生若邪

一作溪

水雨後漫流通芳草行無盡清

一作春

源

去不窮野煙迷極

一作急

浦斜日起微風數處乘流望依

稀似剡中

晨登樂遊原望終南積雪

凌晨擁弊裘徑上古源頭
雪霽山疑近天高思若浮
瓊峰埋積翠玉嶂掩飛流
曜彩含朝日搖光奪寸眸
寒空標瑞色爽氣襲皇州
清眺何人得終當獨再遊

送商季臯

比來知爾有詩名莫恨東歸學未成新
豐有酒為我飲
消取故園傷別情

御定全唐詩卷八百二十

欽定四庫全書

御定全唐詩卷八百二十一

皎然

弔靈均詞

昧天道子有無聽汨

音覓

渚兮躊躇期靈均兮若存問神

理兮何如願君精兮為月出孤影兮示予天獨何兮有

君君在萬兮不羣既冰心兮皎潔上問天兮胡不聞天

不聞神莫覩若雲冥冥兮雷霆怒蕭條杳眇兮餘草莽

古山春兮爲誰今猿哀兮何思風激烈兮楚竹死國殤
人悲兮雨颼颼雨颼颼兮望君時光茫蕩漾兮化爲水
萬古忠貞兮徒爾爲

步虛詞

予因覽真訣遂感西城

一作域

君玉笙

一作皇

下青冥人間

未曾聞日華鍊精

一作魂

魄皎皎無垢氛謂我有僊骨且

令餌氤氲俯仰媿靈顏願隨鸞鵠羣俄然動風馭縹渺

歸青雲

奉應顏尚書眞卿觀玄眞子置酒張樂舞破陣
畫洞庭三山歌

道流跡異人共驚寄向畫中觀道情如何萬象自心出
而心澹然無所營手援毫足蹈節披縑灑墨稱麗絕石
文亂點急管催雲態徐揮慢歌發樂音洛縱酒酣狂更好

攢峰若雨縱橫埽尺波澶漫意無涯片嶺峻嶒勢將倒
盼睠方知造境難象忘神遇非筆端昨日幽竒湖上見
今朝舒卷手中看興餘輕拂遠天色曾向峰東海邊識

秋空暮景颯颯容翻疑是真畫不得顏公素高山水意
常恨三山不可至賞君狂畫忘遠遊不出軒墀坐蒼翠

答韋山人隱起龍文藥瓢歌

隱人藥瓢天下絕全如渾金割如月彪炳文章智使然
生成在我不在天若言有物不繇物何意中虛道性全
韋生能詩兼好異獲此靈瓢遠相遺仙侯玉帖人漫傳
若士青囊世何秘一捧一開如見君藥盛五色香氤氲
背一作階上驪龍蟠不睡張鱗擺領生風雲世人強知金

丹道默僊不成穢僊老年少紛如陌上塵不見吾瓢盡
枯槁聊將繫肘步何輕便有三山孤鶴情東方小兒乏
此物遂令僊籍獨無名

桃花石枕歌贈康從事

卞山幽石產奇璞荆人至死採不著何人琢枕持贈君

片片桃花開未落劍工見今可為劍

昆吾石鐵
可鑄為劍

玉工辨

今知非石至寶繇來覽

一作鑑

者稀今君獨鑒應欲惜何

辭售

一作集

與章

一作韋

天真幸得提攜近玉人可中棄置

君不顧天生秀色徒璘玢四座喧喧爭目悅巧過造化
稱一絕莫言昨日因錯磨看取從來無點缺六月江南
暑未闌一尺花冰試枕看高窗正午風颯變室中不減
春天寒主人所重重枕德文章外飾徒相惑更有堅貞
不易心與君天下為士則

張伯英

一作
伯高

草書歌

伯英死後生伯高朝看手把山中毫先賢草律我草狂
風雲陣發愁鍾王須臾變態皆自我象形類物無不可

閨風遊雲千萬朵驚龍蹴踏飛欲墮更睹鄧林花落一作

落朝狂風亂攪何飄飄一作飄飄有時凝然筆空握情在寥

天獨飛鶴有時取勢氣更高憶得春江千里濤張生奇

一作草

絕難再遇

王小令草書古今稱草絕

草罷臨風展輕素陰慘陽

舒如有道鬼狀魑容若可懼黃公酒壚興偏入阮籍不
嗔嵇亦顧長安酒勝醉後書此日騁君千里步

寒栖子歌

曾居廬山欲有事羅浮之行

君在廬山知不羣有疑是鶴又是雲生死塵埃污不得

眼前榮利徒紛紛今日惠然來訪我酒榼書囊肩背荷
拂除衣上餌煙霞昨夜胥門宿蔡家天然不飲亦不食
拋名換姓覓不得且向人間作酒僊不肯將身生羽翼
停形為餌天地根胎息道成世人皆死我獨存洗慮因吞津
明錄世人皆貪我常足栖子妙今道已成手把玄樞心
運冥能令鬼哭神效靈身如飄風不可絆朝遊崆峒夕
汗漫向來坐客猶未散忽憶羅浮欲去時遙指孤雲作
路岐海上仙遊不可見人間日落空桑枝

翔隼歌送王端公

古人賞神駿何如秋隼擊獨立高標望霜翮應看天宇
如咫尺低迴拂地凌風翔鵬雛敢下鴈斷行晴空四顧
忽不見有時獨出青霞傍窮陰萬里落寒日氣殺草枯
增奮逸雲塞斜飛攪葉迷雪天直上穿花疾見君高情
有所屬贈別因歌翔隼曲離亭慘慘客散時歌盡路長
意不足

白雲歌寄陸中丞使君長源

一見西山雲使人情意遠憑高發詠何起遙道妙如君

一作有
有如君

舒卷縈空疊景多麗容衆峰峰上自為峰

潔白不繇陰雨積高明宵共雜煙重萬物有形皆有著

白雲有形無一作難

一作繫縛黃金被爍玉亦瑕一片飄然汗

不著或逢天上或人間人自營營雲自閑忽爾飛來暫

爲侶忽然飛去莫能攀逸民對雲效高致禪子逢雲增

道意白雲遇物無偏頗自是人心見同異閭闔天門宜

曙看為一作華

纓作蓋擁千官從龍合沓臨清暑

殿名就日

逶迤繞露寒

宮名

誰憐西山雲亭亭處幽絕坐石長看非

我羈手中欲攬

一作攬

待君說貞白先生那得知只

一作解

向空山

一作山中

自怡悅

裴端公使君清席賦得青桂歌送徐長史

昔年攀桂為留人今朝攀桂送歸客秋風桃李搖落盡
為君青青伴松柏謝公南樓送客還高歌桂樹凌寒山
應憐獨秀空林上空賞敷華積雪間昨夜一枝生在月
嬋娟可望不可折若為天上堪贈行徒使亭亭照離別

周長史昉畫毗沙門天王歌

長史畫神獨感神高步

一作妙

區中無兩人雅而逸高且

真形生虛無忽可親降魔大戟縮在手倚天長劍橫諸

紳慈威示物雖凜凜在德無秋唯有春吾知真象本非

色此中妙用君心得苟能下筆合神造誤點一點亦為

道寫出霜縑可舒卷何人應

一作能

識此情遠秋齋清寂

無外物盥手焚香聊自展憶昔邊兵圍未解感得此神

天上下至今雲旗圖我形為君一顧煙塵清

奉和顏魯公真卿落玄真子舴艋舟歌

楚章華臺成願

與諸侯落之

滄浪子後玄真子冥冥釣隱江之汜
剡木新成舴艋舟
諸侯落舟自茲始得道身不繫無機舟亦閑
從水遠逝
今任風還朝五湖兮夕三山停綸乍入芙蓉浦
擊汰時
過明月灣太公取璜我不取龍伯釣鼇我不釣竹竿
媿
媿魚徒徒此中自得還自笑汗漫一遊何可期
後來誰
遇冰雪姿上古初聞出堯世今朝還見在堯時

鄭容全成蛟形木机歌

萬物貴天然天然不可得渾樸無勞剗厠工幽姿自可
蛟龍質欲騰未去何翩翩揚袂爭前誰敢拂可中風雨
一朝至還應不是池中物蒼山萬重採一枝形如噐車

生意竒風號雨噴心不折衆木千聚君獨知

廣德中鄭生避賊吳

興毗山於稠人之中遇予獨見稱賞

高人心多越格有時就月吟春風持

來座右驚神客愛君開閭江之濱白雲黃鶴長相親南

郭子綦我不識非君獨是是何人

奉同顏使君真卿清風樓賦得洞庭歌送吳鍊

師歸林屋洞

名山洞府到金庭三十六洞稱最靈不有古僊啟其祕
今日安知靈寶經中山鍊師栖白雲道成仙秩號元君

安之高仙者有元君次有
天人元君有秩比左仙公

三千甲子朝玉帝世上如今

名始聞吐納青牙養肌髮花冠玉舄何高潔不聞天上
來謫仙自是人間授真訣吳興太守道家流仙師遠放
清風樓應將內景還飛去且從分風當此留湖之山兮

樓上見山冥冥兮水悠悠世人不到君自到縹緲仙都
誰與儔黃鶴孤雲天上物物外飄然自天匹一別千年
未可期仙家不數人間日

憂銅椀為龍吟歌

并序

唐故太尉房公琯早歲嘗隱終南山峻壁之下往
往聞龍吟聲清而靜滌人邪想時有好事僧潛憂
之以五金寫之唯銅聲酷似他日房公偶至山寺
聞林嶺間有此聲乃曰龍吟復遷於茲矣僧因出

其器以告公命憂之驚曰真龍吟也大厯十三祀
秦僧傳至桐江予使童兒憂金倣之亦不減秦聲
也緇人或有譏者曰此達僧之事可以嬉娛爾曹
無以瑣行自拘因賦龍吟歌以見其意

逸僧憂枕為

一作聞

龍吟世上未曾聞此音一從太尉房

公賞遂使秦人傳至今初憂徐徐聲漸顯樂音不管何

人辯似出龍泉

一作淵

萬丈底乍怪聲來近而遠未必全

繇憂者功

一作工

聲生虛無非枕中寥亮掩清笛縈迴凌

細風遙聞不斷在煙杪萬籟無聲天境空

聽專一境則衆音不聞非

萬籟之無聲也

乍一作昨

向天台宿華頂秋宵一吟更清迴能令

聽者易常性憂人忘憂躁人靜今日鏗鏘江上聞蛟螭

奔飛如得羣聲過陰嶺恐成雨響駐晴天將起一作過雲

坐來吟盡空江

一作江上

碧却尋向者聽

一作聲

無跡人生萬

事將此同暮賤朝榮動還寂

飲茶歌誚崔石使君

越人遺我剡溪

一作山

茗採得金牙爨金鼎素瓷雪色縹

一作
飄

沫香何似諸仙瓊蕊漿一飲滌昏寐情來一作思朗

爽

一作
爽朗

滿天地再飲清我神忽如飛雨灑輕塵三飲便

得道何須苦心破煩惱此物清高世莫知世人飲酒多

一作
徒

自欺愁

一作
好

看畢卓甕間夜笑向陶潛籬下時崔

侯啜之意不已狂歌一曲驚人耳孰知茶道全爾真唯
有丹邱得如此

買藥歌送楊山人

華陰少年何所希欲餌丹砂化骨飛江南藥少淮南有

暫別胥門上京口京口斜通江水流裴回應上青山頭

夜驚潮沒鷓鴣堰朝看日出芙蓉樓搖蕩

一作蕩漾

春風亂

帆影片雲無數是揚州揚州喧喧賣藥市浮俗無由識
仙子河間姹女直千金紫陽夫人服不死吾於此道復
何如昨朝新得蓬萊書

薛卿教長行歌

時量移湖州別駕

桂陽仙柳道家說昔傳蘇君今是薛聊將握槊偶時人

便一作却

被人間稱冠絕黃楊文局龜螭蟠琢成散

一作頭

子雙琅玕初疑月破雲中墮復怪星移指下攢誰識兵

奇勢可保坐看將軍上

一作占

一道

長行有將軍梁

有時彩王

去聲

非所希笑擊單于出重圍鳬驚隼擊疾若飛左顧右盼

生光輝家本聯姻漢戚里身是長安貴公子名高藝絕

何翩翩幾迴決勝君王前扈

一作屢

遊長樂與祈年人望

青雲白日邊謫宦江南歲陰晚還將此道聊自遣繇來

君子行最長

長行經有君子行小人行

予亦知君寄心遠

桃花石枕歌送安吉康丞

并序

安吉古桃州也今為吳興右邑士遐副焉於南山
獲桃花石異而重之珍於席上士遐將赴京師故
帥詩人以君所寶之物高歌贈行

君吏桃州尚奇

一作寄

跡桃州採得桃花石爛疑朝日照

已舒含似春風吹未坼圭璋特達世所珍吾知此物亦
其倫應羨花開不凋悴應嘉玉片無緇磷立性堅剛平
若砥君子偏將交道比何人亦秉堅剛姿吾見君心得
如此君心所好我獨知別多見少長相思從來賞翫安

左右萬里提攜君莫辭

賦得吳王送女潮歌送李判官之河中府

見說吳王送女時行宮直到荆溪口
溪上千年送女潮
爲感吳王至今有乃知昔人繇志誠
流水無情翻有情
平波忽起二三尺此上疑與神仙宅
今人猶望荆之湄
長令望者增所思吳王已歿女不返
潮水無情那有期
溪草何草號帝女溪竹何竹號湘妃
靈濤旦暮自堪傷
的皪嬋娟又爭發客歸千里自茲始
覽古高歌感行子

不知別後相見期君意何如此潮水

觀李中丞洪二美人唱歌輶箏歌

時量移湖州長史

君家雙美姬善歌工箏人莫知輶用蜀竹絃楚絲清哇

哇音娃歌聲也

宛轉聲相隨夜靜酒闌佳月前高張水引何一作

仍淵淵美人矜名曲不誤感響時時如迸泉趙琴一作瑟

素所佳齊謳世稱絕箏歌一動凡音輟凝絃且莫停金

疊淫

一無淫字

聲已闕雅聲來遊魚唼喁鶴裴回主人高情

始爲開高情放浪出常格偶世有名道無跡勲業先登

上將科文章已冠諸人籍每笑石崇無道情輕身重色
禍亦成君有佳人當禪伴於中不廢學無生愛君天然
性寡欲家貧祿薄常知足謫官無愠如古人交道忘言
比前躅不意全家萬里來湖中再見春山綠吳興公舍
幽且閒何妨寄隱在其間時議名齊謝太傅更看攜妓
似東山

陳氏童子草書歌

書家孺子有奇名天然大草令人驚僧虔老時把筆法

孺子如今皆暗合。颺揮電灑眼不及。但覺毫端鳴颯颯。
有時作點險。且能太行片石看。欲崩偶然長掣濃。又燥
少室枯松歌。不倒夏室炎炎少人歡。山軒日色在闌干。
桐花飛盡子規思。主人高歌興不至。濁醪不飲嫌昏沈。
欲玩草書開我襟。龍爪狀奇鼠鬚銳。水一作冰戔一作戔白晳越
人惠王家小令草。最狂為予灑出一作揮灑驚騰勢。

飲茶歌送鄭容

丹邱羽人輕玉食。採茶飲之生羽翼。

天台記云丹邱出大茗服之羽化

名藏仙府世空

一作莫

知骨化雲宮人不識雲

一作雪

山童

子調金鑪楚人茶經虛得名霜天半夜芳草折爛漫

一作

燂

緗花啜又

一作久

生賞君

一作常說

此茶祛我疾

一作茶祛我疾

君

使人胸中蕩憂慄日上香鑪情未畢

一作亂

踏虎溪雲

高歌送君出

花石長枕歌答章居士贈

楚山有石郢人琢琢成長枕知是玉全疑冰片坐

一作睡

一作

恐銷間發花聚驚不足贈予比之金琅玕瓊花爛漫

一作

爛浮席端吾師道

一作遺

吾不執寶今日感君因執看試

叩鏗然應清律纖塵不留蠅敢拂萬物皆因造化資如

何獨負清貞質南山有雲鵠在空長松爲我生涼風高

友

一作丈

朗詠樂其中行住四儀皆道意不學小乘一曲

一作西竺

士唯將此物安座隅取次閑眠有禪味

觀王右丞維滄洲圖歌

滄洲誤是真萋萋忽盈視便有春渚情褰裳掇芳芷
颯然風至草不動始悟丹青得如此丹青變化不可尋翻

空作有移人心猶言雨色斜拂座乍似水涼來入襟滄
洲說近三湘口誰知卷得在君手披圖擁褐臨水時脩
然不異滄洲叟

洞庭山維諒上人院階前孤生橘樹歌

洞庭仙山但生橘不生凡木與梨栗眞子無私一作松自

不栽感得一株階下出細葉繁枝委露新四時常綠不

關春若言此物無道性何意孤生來就一作就來人二月三

月山初暖最愛低簷數枝短白花不用烏一作鳥銜來自

有風吹手中滿九月十月爭破顏金寶離離色殷殷一作

顏色殷一作一夜天晴香滿山天一作生珍木異於俗俗士來

逢不敢觸清陰獨步禪起時徒倚前看看不足

春夜賦得漉水囊歌送鄭明府

吳縑楚練何白晳居士持來遺禪客禪客能裁漉水囊

不用衣良一作工秉刀尺先師遺我戒一作式無缺一漉一

翻心敢賒夕望東峰思漱盥矐矐斜月懸燈紗徒倚花

前漏初斷白猿爭嘯驚禪伴玉瓶徐瀉賞一作尚涓涓濺

著蓮衣水珠滿因識仁人爲宦情還如瀉水愛蒼生聊
歌一曲與君別莫忘寒泉見底清

湛處士枸杞架歌

天生靈草生靈地誤生人間人不貴獨君井上有一根
始覺人間衆芳異拖線垂絲宜曙看裴回滿架何珊珊
春風亦解愛此物裊裊時來傍香實濕雲綴葉擺不去
翠羽銜花驚畏失肯羨孤松不凋色皇天正氣肅不得
我獨全生異此輩順時榮落不相背孤松自被斧斤傷

獨我柔枝保無害黃油酒囊石碁局吾羨湛生心出俗

一作吾湛生
心出世俗

擷芳生

一作坐

影風灑懷其致脩然此中足

觀裴秀才松石障歌

誰工此松唯拂墨巧思丹青營不得初寫松梢風正生
此中勢與真松爭高柯細葉動颯颯乍聽幽颺如有聲
左右雙松更奇絕龍鱗麈尾仍半折經春寒色聚不散
逼座陰陰將下雪荆門石狀凌瑱璠蹙成數片倚松根
何年倩倩苔黏跡幾夜潺潺水擊痕裴生詩家後來客

為我開圖翫松石對之自有高世心何事勞君上山屐

送顧處士歌

吳興丘司議之
女聾即况也

吳門顧子予早聞風貌真古誰似君人中黃憲與顏子
物表孤高將片雲性背時人高且逸平生好古無儔匹
醉書在篋稱絕倫神畫開厨怕飛出謝氏檀郎亦可儔
道情還似我家流安貧日日一作用晦讀書坐不見將名干

五侯知君別業長洲外欲行秋田循一作脩畎澮門前便

取鰕鮓乘腰上還將鹿盧

一作輓轡

佩禪子有情非世情御

莽貢餘聊贈行滿道喧喧遇君別爭窺玉潤與冰清

水精數珠歌

西方真人爲行密

一作蜜

臂上記珠皎如日佛名無著心

亦空珠去珠來體常一誰道佛身千萬身重重只向心中出

兵後西日溪行

并序

沈義仙記銅峴地肺可以逃水又聖桃源記天地
改花源在即此地也此一章靈澈上人可以志之

一從清氣上為天仙叟何年見乾海黃河幾度濁復清
此水如今未曾改西尋仙人渚誤入桃花穴風吹花片
使我迷時時問山驚踏雪石梁丹竈意更奇

石梁丹竈
銅峴仙人

渚靈跡
有四所

春草不生多故轍我來隱道非隱身如今世上

無風塵路是武陵路人非秦代人飯松得高侶濯足偶
清津數片昔賢磐石在幾迴並坐戴綸巾

姑蘇行

一作
臺

古臺不見秋草衰

一作
凄

却憶吳王全盛時千年月照秋

草上吳王在時幾迴望至今月出君不還世人空對姑
蘇山山中精靈安可覩轍跡人踪麋鹿聚嬋娟西子傾
國容化作寒陵一堆土

短歌行

古人若不死吾亦何

一作有

所悲蕭蕭煙雨九原上白楊

青松葬者誰貴賤同一塵死生同一指人生在世

一作萬代

共如此何異浮雲與流水短歌行短歌無窮日已傾鄴
宮梁苑徒有名春草秋風傷我情何為不學金仙侶一

悟空王無死生

山月行

一作闌山月
末句缺一字

家家望秋月不及秋山望山中萬境長寂寥
夜夜孤明看月上海人皆言生海東
山人自謂出山中憂虞歡樂皆占月月本無心
同不同自從有月山不改古人望盡
今人在不知萬世今夜時孤月將誰更待
一作孤月
將誰更相待

顧渚行寄裴方舟

我有雲泉隣渚山山中茶事頗相關
鷓鴣鳴時芳草死

山家漸欲收茶子伯勞飛日芳草滋
山僧又是採茶時

繇來慣採無近遠陰嶺長兮陽崖淺
大寒山下葉未生

小寒山中葉初卷

二山名

吳椀

一作姪

攜籠上翠微
蒙蒙香

判得春衣迷山

一作迷

乍可

一作可

落花亂度水時驚
啼鳥

飛家園不遠乘露摘歸時露彩猶滴瀝
初看怕

一作抽

出

欺玉英更取煎來勝金液
昨夜西峰雨色過
朝尋新茗

復如何
女宮露澀青芽老
堯市人稀紫筍多
紫筍青芽

誰得識日暮採

一作探

之長太息清冷真人待子元

仙傳清冷

真人裴君與道
人支子元為友貯此芳香思何極

武源行贈邱卿岑

昔年羣盜阻江東吳山動搖楚澤空齊人亦戴蜂蠆毒

美稷化為荊棘藂洶洶四顧多窟穴浮雲白波名不同

萬人死地當虎口一旦生涯懸磔

一作鼓

中昨日將軍狗

死節悉向生民陷成血胸中豹畧張陣雲握內蛇矛揮

白雪長洲南去接孤城居人散盡鼓譟驚三春不見芳

草色四面唯聞刁斗聲此時狂寇紛如市君當要衝固

深壘縱橫計出皆獲全士卒身先每輕死埽平氛祲望

吳門人間歲美桑柘繁比屋生全一作全生受君賜連營罷

戰賴一作頂君恩如何棄置功不一作未錄通籍無名滯江

曲瀾亭不重李將軍漢節猶輕蘇屬國荒營寂寂隱山

椒春意空驚故柳條野戰攻城盡一作只如此即今誰是

霍嫖姚

長安少年行

翠樓春酒蝦蟇陵長安少年皆共矜紛紛半醉綠槐道
蹀躞花驄驕不勝

風入松

西嶺松聲落日秋千枝萬葉風颼颼美人援琴弄成曲
寫得松間聲斷續聲斷續清我魂流波壞陵安足論美
人夜坐月明裏含少商兮點一作照清徵風何淒一作淒淒兮

颼颼一作何颼颼攪寒松兮又夜起夜未央曲何長金徽更

促聲決決何人此時不得意意苦絃悲聞客堂

陪廬中丞閑遊山寺

此首與和閻士和李
蕙冬夜宴集詩畧同

野寺出人境捨舟登遠岑林開明見月萬壑靜聞鐘擁
燭明山翠交麾動水容如何股肱守塵外得相逢

湖南草堂讀書招李少府

削去僧家

一作中

事南池便隱居為憐松子壽還卜道家

書藥院常無客茶樽獨對余有時招逸史來飯野中蔬

答李季蘭

天女來相試

一作識

將花欲染衣禪心竟不起還捧舊花

歸

酬鄭判官湖上見贈

歲歲湖南隱已成如何星使忽知名
沙鷗慣識無心客
今日逢君不解驚

送旻上人遊天台

真心不廢別試看越溪清知汝機忘盡
春山自有情月
思華頂宿雲愛石門行海近應須汎
無令鷗鷺驚

送別

聞說情人怨別情
霜天淅瀝在寒城
長宵漫漫角聲發
禪子無心恨亦生

與昂上人兩字繼合四句初字日

有一鳥雛凌寒獨宿
若逢雲雨兩兩相逐

次日

野外有一人獨立
無四鄰彼見是我身
我見是彼身

御定全唐詩卷八百二十一

欽定四庫全書

集部

御定全唐詩卷八百二十五

詳校官庶吉士臣何道沖

主事銜臣徐以坤覆勘

總校官知縣臣繆琪

校對官學正臣李巖

謄錄監生臣于時和

欽定四庫全書

御定全唐詩卷八百二十二

廣宣

廣宣姓廖氏蜀中人與劉禹錫最善元和長慶兩朝並
為內供奉賜居安國寺紅樓院有紅樓集今存詩十七
首編為一卷

皇太子頻賜存問并索唱和新詩因有陳謝

望苑招延

一作賢

後禪扉訪道餘祇言俟文雅何意及庸

虛率性多非學緣情偶自書清風聞寺響白日見心初

重道逢軒后崇儒過魏儲青宮列芳

一作梗

梓玄圃積瓊

珞鄭鼠寧容者齊竿久舍諸空懷受恩感含思幾躊躇

禁中法會應制

天上萬年枝人間不可窺道場三教會心地百王期待
讀霑恩早傳香駐日遲在筵還向道通籍許言詩空婉
陪仙列何階答聖慈從今精至理長願契無為

降誕日內庭獻壽應制

慶壽千齡遠敷仁萬國通登霄欣有路捧日愧無功仙
駕三山上龍生二月中修齋長樂殿講道大明宮此地
人難到諸天事不同法筵花散後空界滿香風

寺中柿樹一蒂四顆詠應制

珍木生奇畝低枝拂梵宮因開四界分本自百花中當
夏陰涵綠臨秋色變紅君看藥草喻何減太陽功

早秋降誕日獻壽二首應制

秋莫開六葉元聖誕千年繞殿祥風起當空瑞日懸道

光中國主人識大羅仙敢贊無疆壽香花上法筵

萬方瞻聖日九土仰清光磬地山河壯彌天福壽長瑞

煙薰法界真偈啟仁人

一作人

王看獻千秋樂千秋樂未央

駕幸天長寺應制

天界宜春賞禪門不掩關宸遊雙闕外僧引

一作隱

百花

間車馬喧長路煙雲淨遠山觀空復觀俗皇鑒此中閑

九月菊花詠應制

一作清江詩

可訝東籬菊能知節候芳細枝青玉潤繁蕊碎金香爽

一作
浮

氣浮

一作
凝

朝露濃姿帶夜霜
泛杯傳壽酒應共樂

時康

駕幸聖容院應制

大唐國裏千年聖
王舍城中百億身
却指容顏非我相
自言空色是吾真
深殿虔心隨寶輦
廣庭徐步引金輪
古來貴重緣親近
狂客慚為侍從臣

聖恩顧問獨遊月磴閣直書其事應制

禪居河畔無多地
來往尋春物正華
磴道上盤千畝竹

欄干低壓

一作數

萬人家簷前施飯來飛鳥林下行香踏

落花自解刹那知佛性不勞更喻幾塵沙

安國寺隨駕幸興唐觀應制

東林何殿是西鄰禪客垣牆接羽人萬乘遊仙宗有道
三車引路本無塵初傳寶訣長生術已證金剛不壞身
兩地盡修天上事共瞻鑾駕一作鑾鶴重來巡

賀王起

一作賀王侍郎典貢放榜

從辭鳳閣掌絲綸便向青雲領貢賓再闢文場

一作章

無

枉路兩開金榜絕，
冤人眼看龍化門。
前水手放鶯飛谷，
口春明日定歸台。
席去鵲鷁原上共，
陶鈞

駕幸普濟寺應制

南方寶界幾由旬，
八部同瞻一佛身。
寺壓山河天宇靜，
樓懸日月鏡光新。
重城柳暗東風曙，
一作暖複道花明上

苑春向晚鑒輿歸，
鳳闕曲江池上動青蘋。

紅樓院應制

一作沈
佺期詩

紅樓疑見白毫光，
寺逼宸居福盛唐。
支遁愛山情謾切，

曇摩泛海路空長
經聲夜息聞天語
爐氣晨飄接御香
誰道此中難可到
自憐深院得徊翔

再入道場紀事應制

一作沈
佺期詩

南方歸去再生天
內殿今年異昔年
見闕乾坤新定位
看題日月更高懸
行隨車一作香輦登仙路
坐近爐煙講法筵
自喜恩深陪侍從
兩朝長在聖人前

寺中賞花應制

東風萬里送香來
上界千花向日開
却笑霞樓紫芝侶

桃源深洞訪仙才

九月十五日夜宿鄭尚書網東亭望月寄杜給

事

霜天晴

一作昨

夜宿東齋松竹交陰愜素懷迥出風塵心

得地可憐三五月當階清光滿院思

一作思

情見寒色臨

門笑語諧霄漢路殊從道合往來人事不相乖

御定全唐詩卷八百二十二

欽定四庫全書

御定全唐詩卷八百二十三

含曦

含曦元和太和間長壽寺僧詩一首

酬盧仝見訪不遇題壁

一本無不遇題壁四字
盧仝有訪含曦上人詩

長壽寺石壁盧公一首詩渴讀

一作飲

即不渴飢讀

一作食

即不飢鯨吞海水盡露出珊瑚枝海神知貴不知價留

向人間光照夜

善生

善生貞元時僧詩四首

旅中答喻軍事問客情

一自遊他國相逢少故人縱然為客樂爭似在家貧
畜恨霜侵鬢摻詩病入神若非憐片善誰肯問風塵

贈盧逸人

高眠巖野間至藝敵應難詩苦無多首藥靈惟一丸
引泉魚落釜攀果露沾冠已得嵇康趣逢迎事每闌

送玉禪師

飄然無定跡，迴與律乘違。入郭隨緣住，思山破夏歸。

夏過

不終謂
之破夏

孟擎數家飯，衲乞幾人衣。洞了曹溪旨，寧輸俗

者機。

送智光之南值雨

結束衣囊了，炎州定去遊。草堂方惜別，山雨為相留。又
得一宵話，免生千里愁。莫辭重卜日，後會必經秋。

韜光

韜光蜀人卓錫靈隱之巢溝塢白居易守郡時題其堂
曰法安詩一首

謝白樂天招

山僧野性好林泉每向巖阿倚石眠不解栽松陪王勃
惟能引水種金蓮白雲乍可來青嶂明月難教下碧天
城市不能飛錫去恐妨鶯囀翠樓前

知玄

知玄字後覺姓陳氏眉州人僖宗時賜號悟達國師歌

詩二十餘卷今存詩三首

五歲詠花

花開滿樹紅花落萬枝空惟餘一朶在明日定隨風

祝堯詩

生天本自生天業未必求仙便得仙鶴背傾危龍背滑
君王且住一千年

答僧澈

觀君法苑思冲虛使我真乘刃有餘若使龍光時可待

應憐僧肇論成初五車外典知誰敵九趣多才恐不如
蕭寺講軒橫淡蕩帝鄉雲樹正扶疎幾生曾得闍瑜意
今日堪將貝葉書一振微言冠千古何人執卷問吾廬
元孚

元孚宣城開元寺僧與許渾同時或曰楚中僧詩二首
月夜懷劉秀才

獨夜相思但自勞阮生吟罷夢雲濤此時小定未禪寂
古塔月中松磬高

送李四校書

朱絲寫別鶴，冷吟詩滿紅箋。月滿庭，莫學楚狂隳姓字。
知音還有子期聽。

栖白

栖白越中僧，前與姚合交。後與李洞、曹松相贈答。宣宗
朝嘗居薦福寺內，供奉賜紫詩一卷，今存十六首。

邊思

西北黃雲暮，聲聲畫角愁。山陰一夜雨，白草四郊秋。亂

雁鳴寒渡飛沙入廢樓何時番色盡此地見芳洲

八月十五夜翫月

尋常三五夜不是不嬋娟及至中秋滿還勝別夜圓清
光凝有露皓魄爽無煙自古人皆望年來又一年

尋山僧真勝上人不過

松下禪棲所苔滋徑莫分青山春暮見流水夜深聞不
坐看心石應隨出定雲猿猱非可問巖谷自空曠

贈李溟秀才

南居古廟深高樹宿山禽
明月上清漢騷人動楚吟
數篇正始韻一片補亡心
孤悄欺何謝雲波不可尋

送石秀才

正是歎羈遊知音拜楚侯
何須辭遠道自可樂扁舟
倚棹江洲雨聞猿鳥岫
秋謝家山水興終日待詩流

送造微上人游五臺及禮本師

寒空金錫響欲過渭陽津
極目多來雁孤城少故人
與師雖別久於法本相親
又對清涼月中宵語宿因

送禪師宗極歸玉峰

背郭去歸宿頭陀意頗濃
鶴爭栖遠樹猿鬪上孤峰
夜戍經霜月秋城過雨鐘
由來無定止何處訪高蹤

送僧歸舊山

談空與破邪獻壽復榮家
白日一作百生得何偈青天落幾

花傳燈皆有分化俗獨無涯
却入中峯寺還知有聚沙

送圓仁三藏歸本國

家山臨晚日海路信歸橈
樹滅渾無岼風生只有潮
歲

窮程未盡天末國仍遥已入閩王夢香花境外邀

送王鍊師歸嵩嶽

飄然綠毛節杳去洛城端隔水見秋嶽兼霜掃石壇一
溪松色古半夜鶴聲寒迴與人寰別勞生不可觀

壽昌節賦得紅雲表夏日

景侯融融陰氣潛如峰雲共火相兼霞光捧日登天上
丹彩乘風入殿簷行逐赤龍千歲出明當朱夏萬方瞻
微臣多幸逢佳節得賦殊祥近御簾

經廢宮

終日河聲咽暮空煙愁此地晝濛濛
錦帆東去沙侵苑玉輦西來樹滿宮
魯客望津天欲雪朔鴻離岼葦生風
那堪獨立思前事回首殘陽雉堞紅

贈識古法師

重城深寺講初休却憶家山訪舊游
對月與君相送夜聞蛩教我獨驚秋
雲心杳杳難為別鶴性蕭蕭不可留
遙想孤舟清渭上飄然帆影起離愁

月夜懷劉秀才

一作元孚詩

獨夜相思但自勞
阮生吟罷夢雲濤
此時小定未禪寂
古塔月中松磬高

寄南山景禪師

一度林前見遠公
靜聞真語世情空
至今寂寞禪心在
任起桃花柳絮風

哭劉得仁

為愛詩名吟至死

一作此

風魂雪魄去難招
直須桂子落

墳上生得一枝冤始消

應物

應物大中時江南詩僧也嘗與羅鄴唱酬作九華山記
詩二首

龍潭

石激懸流雪滿灣五龍潛處野雲閒暫收雷電九峯下
且飲溪潭一水間浪引浮槎依北岸波分曉日浸東山
回瞻四面如看畫須信遊人不欲還

題化城寺

平高選處創蓮宮一水縈流處處通
畫閣畫開遲日畔禪房夜掩碧雲中
平川不見龍行雨幽谷遙聞虎嘯風
偶與游人論法要眞元浩浩理無窮

智亮

智亮大中中闕開元寺僧嘗袒膊行乞號袒膊和尚詩
二首

戴雲山吟

人間謾說上天梯上萬千迴總是迷曾似老人巖上坐
清風明月與心齊

又

戴雲山頂白雲齊登頂方知世界低異草奇花人不識
一池分作九條溪

良又

良又大中時僧詩一首

答盧鄴

一本題上有
秋山二字

風泉祇

一作只

向夢中聞身外無餘可寄君當戶一輪惟

曉月掛簷數片是秋雲

常達

常達字文舉俗姓顧發跡河陽大福山大中中居吳郡
破山寺詩八首

山居八詠

身閒依祖寺志僻性多慵少室遺真古層樓起暮鐘
啜茶思好水對月數諸峰有問山中趣庭前是古松

晚望虛庭物心心見祖情煙開分嶽色雨霧減泉聲遠
樹猿長嘯層巖日乍明更堪論的意林下筍新生

一室塵埃外翛然祇麼常睡來開寢帳鐘動下禪床溪
浸山光冷秋凋木葉黃時提祖師意歌石看斜陽

西來真祖意祇在見聞中寒雁一聲過疎林幾葉空心
閑憐水石身老怯霜風為報參玄者山山月色同

真性寂無機塵塵祖佛師日明庭砌暖霜苦藥苗衰汲
水和煙酌栽松帶雪移好聽玄旨處猿嘯嶺南枝

古寺凭欄危時聞舉妙機庭空月色淨夜迴磬聲移漏
轉寒更急燈殘冷焰微太虛同萬象相謂話玄微

胡僧論的旨物物唱圓成疎柳春來翠幽窗日漸明禪
心清石室蝶翅覆花英好聽談玄處喬松鶴數聲

祖祖唯心旨春融日正長霜輕莎草綠風細藥苗香月
滿真如淨花開覺樹芳庭前鶯囀處時聽語圓常

僧鸞

僧鸞少有逸才不事拘檢謁薛能尚書以其顛率令之

出家後入京為文章供奉賜紫或云即鮮于鳳詩二首

苦熱行

燭龍銜火飛天地平陸無風海波沸彤雲疊疊聳奇峰

一作彤雲疊
掛奇峯長

焰焰凝光熱凝翠煙島搏鵬鵬雙翅義和

赫怒強總轡飲流夸父斃長途如見當中印王字明明

夜西朝又東古來有道仍再中扶桑老葉蔽不得輝華

直欲

一作
上

凌蒼空行

一作
萬

人揮汗翻成雨口燥喉乾噓

塵土西郊雲色晝冥冥如何不救生靈苦何山怪木藏

蛟龍縮鱗卷鬣為乖慵不發滂澤注天下欲使風雷何
所從旱苗原上枯成焰嶽靈徒祝無神驗豪家簾外喚
清風水紋明角鋪長簾玉扇畫堂凝夜秋歌艷繞梁催
莫愁陽烏落盡酒不醒扶上西園當月樓廢田疇死非
吾屬庫有黃金倉有粟

贈李粲秀才

隴西輝用真才子摻竒探險無倫比筆下銛磨巨闕鋒
胸中靜艷西江水哀絃古樂清人耳月露激寒哭秋鬼

苔地無塵到曉吟杉松老葉風乾起十軸示余三百篇
金碧爛光燒蜀牋雄芒逸氣測不得使我躑躅成狂顛
大郊遠濶空無邊凝明淡綠收餘煙曠懷相對景何限
落日亂峰青倚天又驚大舶帆高懸行濤劈浪凌飛仙
回首瞥見五千仞撲下香爐瀑布泉何事古人誇八斗
焉敢今朝定妍醜颯風驅雷暫不停始向塲中稱大手
駿如健鶻鷃與鵬拏雲獵雪翻重霄狐狸竄伏不敢動
却下雙鳴當迅颺愁如湘靈哭湘浦咽咽哀音隔雲霧

九嶷深翠轉巍峩仙骨寒消不知處清同野客敲越甌
丁當急響涵清秋鷺雛相引叫未定霜結夜闌仍在樓
高若太空露雲物片白激清皆彷彿仙鶴閒從淨碧飛
巨鼇頭戴蓬萊出前輩歌詩惟翰林神仙老格何高深
鞭馳造化繞筆轉燦爛不為愁苦吟夢乘明月清沈沈
飛到天台天姥岑傾湖湧海數百字字字不朽長擬金
此日多君可儔侶堆珠疊璣滿玄圃終日並轡遊崑崙
十二樓中宴王母

神穎

神穎咸通中僧詩二首

和王季文題九華山

衆岳雄分野九華鎮南朝
彩筆凝空遠崔嵬寄青霄
龍潭古仙府靈藥今不凋
瑩為滄海鏡煙霞作荒標
造化心數竒性狀精氣饒
玉樹鬱玲瓏天籟韻蕭寥
寂寂尋乳竇兢兢行石橋
通泉漱雲母藉草縈香茗
我住一作在幽且深君賞昏復朝
稀逢發清唱片片霜凌颼

宿嚴陵釣臺

寒谷荒臺七里洲
賢人遠逐水東流
獨猿叫斷青天月
千古冥冥潭樹秋

澹文

澹文蘇州招隱寺僧乾符中人也詩三首

效古

榮辱又榮辱一何翻
與覆人生百歲中
孰肯死前足
玄鬢忽如絲青叢不再綠
自古爭名徒黃金是誰祿

病後作

未得忘

一作亡

身法此身終未安病腸猶可洗瘦骨不禁

寒藥少心情

一作神

餌經無力氣看悠悠片雲質

一作下

獨

對

一作坐

夕陽殘

寫真

圖形期自見自見却傷神已是夢中夢更逢身外身水

花凝幻質墨彩染

一作聚

空塵堪笑予兼爾俱為未了人

文秀

文秀江南僧居長安以文章應制與鄭谷善詩一首

端午

節分端午自

一作有

誰言萬古傳聞為屈原堪笑楚江空

渺渺

一作浩浩

不能洗得直臣冤

懷楚

懷楚唐末僧住安州白兆竺乾院詩二首

謝友人見訪留詩

軒車誰肯到泉石自相親暮雨凋殘寺秋風悵望人庭

新一片葉衣故

一作上

十年塵

一作春

賴有瑤華贈清吟愈

病身

送新平故人

常聽

一作遠得

倉庚思舊友又因蝴蝶夢生涯一千餘里河

連

一作遼

郭三十六峯寒到家陰島直分東甌

一作曉

雁晴

樓高入上陽鴉姜嫫廟北與君別應笑薄寒悲落花

耽章

耽章俗姓黃莆田人出家於福州靈石嗣法洞宗慕曹

溪六祖乃名其山曰曹世以曹山稱之後住仰山詩一
首

辭南平鍾王召

摧殘枯木倚寒林幾度逢春不變心樵客見之猶不採
郢人何事苦搜尋

御定全唐詩卷八百二十三

欽定四庫全書

御定全唐詩卷八百二十四

子蘭

子蘭昭宗朝文章供奉詩一卷

短歌行

日月何忙忙出沒住不得使我勇壯心少年如頃刻人
生石火光通時少於塞四季倏往來寒暑變爲賊偷人
面上花奪人頭上黑

飲馬長城窟

游客長城下飲馬長城窟馬嘶聞水腥爲浸一作泛征人

骨豈不是流泉終不成潺湲一本無此二句洗盡骨上土不洗

骨中冤骨若比一作不作流水四海有還魂一本無此二字空流

嗚咽聲聲中疑是一作骨言

夜直

大內隔重牆多聞樂未央燈明宮樹色茶煮禁泉香鳳
輦通門靜雞歌入漏長宴榮陪御席話密近龍章吟步

彤庭月眠分玉署涼欲粘朱紱重頻草白麻忙筆力將
羣吏人情在致唐萬方瞻仰處晨夕面吾皇

贈行脚僧

世界曾行遍全無行可修炎涼三衲共生死一身体片
斷雲隨體稀疎雪滿頭此門無所著不肯暫淹留

秋日思舊山

咸言上國

一作天上

繁華豈謂帝城羈旅十點五點殘螢千

聲萬聲秋雨白雲江上故鄉月下風前吟處欲去不去

遲遲未展平生所佇

寄乾陵楊侍郎

冷落官資不畏貧
司曹且共內官分
步量野色成公案
點檢樵聲入奏聞
陵廟路因朝去掃
御爐香每夜來焚
碑寒樹古神門上
管得無窮空白雲

登樓憶友

物象遠濛濛
周迴極望中
帶煙千井樹
和磬一樓風
月色寒沉地
波聲夜颭空
登臨無限趣
恨不與君同

華嚴寺望樊川

萬木葉初紅人家樹色中疎鐘搖雨脚秋水浸雲容雪
磧回寒雁村燈促夜春舊山歸未得生計欲何從

與道侶同於水陸寺會宿

論道窮

一作同

心少有朋此時清話昔年曾柿凋紅葉鋪

寒井鵲

一作鵲

墜霜毛著定僧風遶遠聲秋澗水竹穿深

色夜房燈出門盡是勞生者只此長閑幾箇能

城上吟

古塚密於草新墳侵官

一作古

道城外無閑地城中人又

老

襄陽曲

爲憶南遊人移家大堤住千帆萬帆來盡過

一作過盡

門前

去

誠貪

多求待心足未足旋傾覆明知貪者心求榮不求辱

蟬二首

獨蟬初唱古槐枝，委曲悲涼斷續遲。
雨後忽聞誰最苦，異鄉孤館憶家時。

哀柳蟬吟旁濁河，正當殘日角聲和。
尋常不足一作是少愁思，此際聞時愁更多。

太平坊尋裴郎中故宅

不語淒涼無限情，荒堦行盡又重行。
昔年住此何人一作

此住人何在滿地一作空見槐花秋草生

登樓

邊邑鴻聲一例秋
大波平日遶山流
故人千里同明月
盡夕無言空倚樓

長安早秋

風舞槐花落御溝
終南山色入城秋
門門走馬徵兵急
公子笙歌醉玉樓

對雪

密密無聲墜碧空
霏霏有韻舞微風
幽人吟望搜辭處
飄入窓來落硯中

鸚鵡

翠毛丹嘴乍教時終日無聊似憶歸近來偷一作倚解人

言語亂向金籠說是非

晚景

池荷衰颯菊芬芳策杖吟詩上草堂
滿目暮雲風卷盡
郡樓寒角數聲長

長安傷春

霜隕中春花半無狂遊恣飲盡
兇徒年年賞翫公卿輩

今委溝塍骨漸枯

河梁晚望二首

水勢滔滔不可量
漁舟容易泛滄浪
連山翠靄籠沙渚

白鳥翩翩下夕陽

雨添一夜秋濤濶
極目茫茫似接天
不知龍物潛何處
魚躍蛙鳴滿檻前

悲長安

何事天時禍未回
生靈愁悴苦寒灰
豈知萬頃繁華地

強半今爲瓦礫堆

千葉石榴花

一朵花開千葉紅
開時又不藉春風
若教移在香閨畔
定與佳人艷態同

觀碁

拂局盡消時能因長路遲
點頭初得計格手待無疑
寂默親遺景凝神入過思
共藏多少意不語兩相知

欽定四庫全書

御定全唐詩
卷八百二十四

御定全唐詩卷八百二十四